

ՄԳԻ ՁԱՅՆԱԽԱԶԵՐԸ

X-ի. թարգմ. ֆրանսերէնից.

Do (Առաջին ամիս)

Ողորմած Տէր

Շնորհակալ եմ Ձեզանից Ձեր անվերջ ցաւակցական և համակրական մխիթարութիւնների համար: Ես ընդ միշտ, ամբողջովին յանձնուել եմ իմ ծանր վշտին և աղմկալից աշխարհը այլ ևս ինձ համար գոյութիւն չունի: Սյրի կնոջ պարտականութիւնը, նոյնպէս և իմ սրտի ցանկութիւնը—ստիպում են ինձ առանձնանալ և լուութեան մէջ անձնատուր լինել այն մարդութանկազին յիշատակին, որը, ծաղիկ հասակում, վաղածամ թողեց այս անցաւոր և ունայն վշտալից աշխարհը: Սև զգեստը և երկար մետաքսեայ քոզը այժմ կը լինեն իմ սովորական հանդերձը և ոչ մի կողմնակի գաղափար չի կարող ցրուել իմ հոգու թախիժը: Ընդունեցէք, շնորհակալութեանս հաւաստին Ձեր հոգատարութեան համար: Իշխանու՛՛՛՛հի՛ Լոֆրուրդեան:

Ré (Երկրորդ ամիս)

Ամենաբարի Պարոն

Ձեր ցանկութիւնը, որ ստիպում էք ինձ ընդունել, թէ հաճոյական է և թէ միանգամայն վախեցնում է ինձ: Եթէ դուք, մի փոքր մտածէք՝ անհասկած կը հասկանաք իմ առանձնութեան պատճառը: Ես չեմ ուզում, որ ինձ դատապարտեն. — «մի դատապարտէք, ասում է աւետարանը և չէք դատապարտուիր»: Ինձ միշտ վրդովեցնում էին այն թեթևամիտ այրի կանայք, որոնք մտածում էին լոկ՝ վայելչութիւնների մասին. այն ինչ պէտք է վաղուց մոռանային դրանց: Ո՛չ մի բոպէ ես չեմ կամենում նմանուել այդ տեսակ անձանց. բայց եթէ, երբեմն թոյլ եմ տալիս ինձ, առժամանակ մի փոքր հեռանալու տխուր մտածումներից, միայն նրա համար, որ տանեմ մի փունջ

ծաղիկներ, ցանկու թանկագին դամբանի վերայ, որտեղ հանգ-
չում է իմ սրտի սէրը, և անցկացնել մի ըոպէ նրա մօտ, որին
քիչ առաջ իմ սիրտը պատկանում էր ամբողջովին: Շնորհա-
կալ եմ Ձեր բարի մտադրութիւնների համար և համարում եմ
Ձեր այցելութիւնը ինձ արդէն կատարած:

Իշխանուհի՛ է. Հոֆբուրգեան.

Մի (Երրորդ ամիս)

Բարի բարեկամ

Դուք, այնուամենայնիւ կամենում էք այցելել ինձ: Ձեմ
կարող ես արտայայտել թէ, Ձեր կարեկցութիւնը իմ ծանր
վշտի ըոպէներին, որ աստիճան ուրախացնում է ինձ: Մակայն,
ազաչում եմ, այլ ես այն կնոջը մի մտաբերէք, որը հեռացել
է աշխարհի զուարճութիւններից: Իր ժամանակին, երբ կեն-
դանի էր իմ թանկագին ամուսինը, ես բաւական ուրախու-
թիւններ տեսել եմ: Այժմ, իմ բաժինն է, սպալ և արտասուել:
Այո, ինձ վիճակուած է սուգ և արտասուք: Օգտուեցէք կեան-
քի շնորհած բարիքներով, քանի դեռ նա Ձեզ ժպտում է. և մի
թունաւորէք Ձեր մատաղահաս երիտասարդութիւնը մի ան-
միտիթար այրի կնոջ շրջանում, որ կը խաւարեցնէ նրան: Ես
այն աստիճան եսասէր չեմ, որ ստիպեմ ուրիշներին լալու և
ինձ հետ միասին տխրելու: Սեղմում եմ Ձեր ձեռքը:

Կոմսուհի Էլեօօրա Հոֆբուրգեան

Բա (Չորրորդ ամիս)

Սիրելի բարեկամ.

Պէտք է խոստովանեմ, որ Ձեր փաստերը շատ հիմնաւոր
են: Դուք, որպէս կրթուած և զարգացած մարդ, հեշտութեամբ
կարողացաք յաղթահարել իմ բոլոր նախապաշարումները: Է՛հ,
ինչ արած, եթէ այդպէս է, ուրեմն համեցէք: Երևի այդ հաճե-
լի է Աստուածային նախախնամութեան: Միայն նախազգուշաց-
նում եմ, որ Դուք չէք գտնիլ ինձ մօտ ոչ վայելչութիւն, ոչ էլ
մի որևէ զուարճութիւն: Լուրջ խօսակցութիւն և տխրութիւն
—ահա, թէ Ձեզ ինչն է սպասում: Դուցէ ես վարւում եմ որ-
պէս մի եսասէր, որ թոյլ եմ տալիս Ձեզ այցելելու ինձ—յու-
սալով որ Ձեր ներկայութիւնը մի փոքր կը ցրէ մոայլ մտքերս,
այն ինչ, Դուք պէտք է տխրէք մի սևազգեստ կնոջ շրջանում:
Բայց, Դուք ինքներդ էք ցանկանում այդ և մեղքը Ձերն է-
յամենայն դէպս, այսօր՝ ես ամբողջ երեկոյ տանն եմ և Ձեզ
եմ սպասում: Ձեր բարեկամուհի՛ Էլեօօրա Հոֆբուրգեան

Sol (Հինգերորդ ամիս)

Իմ Թանկագին բարեկամ

Դուք արդարև իրաւացի էք. Ձեր այցելութիւնը ինձ շատ և շատ օգուտ բերեց: Նա իմ սրտի մէջ շաղ տուեց բուժիչ բալասան և մեղմացրեց իմ վշտերի դառնութիւնը: Յաճախեցէք ինձ որքան կարելի է շուտ-շուտ. Դուք դրանով ցոյց տուած կը լինիք իսկական ողորմածութիւն: Սակայն վախում եմ թէ, Դուք տխրէք դժբաղդ և վշտացեալ այրու մօտ: Եթէ, իմ ասածը ճշմարիտ է, մի զոհաբերէք Ձեր անձը. հակառակ դէպքում, իմ տան դռները բաց են միշտ և Դուք կը լինիք ցանկալի հիւր ինձ համար: Ձեր հաւատարիմ բարեկամուհի՝
Էլէօսօրա Հ.

La (Վեցերորդ ամիս)

Իմ Թանկագին և անկեղծ բարեկամ

Այդ ինչ եմ լսում. Դուք արդէն մտածում էք ամուսնութեան մասին և ցանկանում էք միացնել Ձեր փայլուն 27 տարին իմ պառաւական 28 տարու հետ. մթթէ կարելի է այդ Այդքան բարութիւն, այդչափ խղճահարութիւն, չեն կարող տեղաւորուել մարդկային սրտի մէջ: Բայց գլխաւոր հարցը նրանումն է, թէ, արդեօք ես իրաւունք ունիմ ընդունելու Ձեր զոհաբերութիւնը: Արդեօք, ես կարճի եմ համարձակուել իմ կեանքի մռայլ աշնան օրերին քաղելու Ձեր վառ գարնան վարդերը: Բացի դրանից, ինչպէս Դուք ևս լաւ գիտէք, մենք ոչինչ չենք կարող անել օրէնքի հիման վերայ, մինչև տասնամսեայ սուզը չը վերջանայ: Իսկ այժմ, դժբաղդաբար դեռ վեցերորդ ամիսն է: Դուք դեռ ժամանակ ունիք յետ կանգնելու այդ ասպետական քայլից: Վստահօրէն հաւատացնում եմ, որ ես ընդդէմ չեմ լինիլ Ձեզ և ընդ միշտ կը պահեմ սրտուս. Ձեզ համար երկրորդ... ոչ, ոչ, անկեղծ լինենք միմեանց հետ, առաջին տեղը...
Ձեր՝ Էլէօսօրա

Si (Եօթերորդ ամիս)

Պաշտելիք իմ

Դարձեալ երեք ամիս, դարձեալ երկար, ձիգ ամիսներ և ես վերջապէս ընդմիշտ կը լինիմ քո դերին: Ա՛խ, Դուստաւ, միթէ դու ոյժ չունէիր սպասելու մի փոքր ևս, որ չը գայթակղեցնէիր ինձ, թշուառ այրի կնոջս, որին սէրը դարձրեց անզօր և անօգնական:

Օ դարձեալ երեք ամիս. բայց, խնդրեմ ասես, Թանկա-

գին բարեկամ. լաւ չէր լինի եթէ մենք գնայինք ամուսնանալու Անգլիա, անկասկած այն տեղ կը գտնուէին ամուսնացած բարի քահանաներ, որոնք կը հասկանային իմ անհամբերութիւնը: Սակայն, այս ինչ եմ ասում. ես գժուել եմ բոլորովին... Ոհ, եթէ իմ խօսքերը լսէր մայրս... Ո՛հ, ո՛չ, Գուստաւ, թող ինձ սուգը պահեմ մինչև վերջ, ի պատիւ օրէնքի և աշխարհային քաղաքավարութեան: Մի՛թէ դու, իմ պահապան հրեշտակ, միշտ ինձ հետ չես: Եղեմական դրախտի դռները լայն բացուած են մեզ համար. մի՛թէ արժէ շտապով անցնել նրանց միջից, քանի որ ուրախալի է նաև շէմքում: Քո փոքրիկ՝

Նոնոթ

ԹԱՐԳՄ. Ֆ. ԱՇՈՏ.